

tónomas, para crear pasarelas de recoñecemento de créditos entre as ensinanzas de formación profesional de grao superior e os títulos oficiais de grao para facilitar a mobilidade do alumnado recoñecendo a formación previamente adquirida en ambos os sentidos.»

- 11243 (12/PNC-001064)

Grupo Parlamentario do Bloque Nacionalista Galego

Sobre a demanda dirixida ao Goberno galego co obxecto de que dote o IES Ferrol Vello do mesmo número de docentes que o curso anterior e dun pavillón para Educación Física
BOPG nº 91f2, do 25.09.2024

Sométese a votación e resulta aprobada sen modificacións pola unanimidade dos 17 deputados e deputadas presentes.

O texto aprobado é o seguinte:

«O parlamento insta a Xunta de Galicia a dotar o IES Ferrol Vello dun cadro docente de 20 persoas tal como existía no curso anterior, así como a facer as xestións oportunas para dotalo tamén do necesario pavillón.»

Santiago de Compostela, 10 de outubro de 2024

María Montserrat Prado Cores

Vicepresidenta 2ª

4. Informacións e correccións de erros

4.1. Informacións

Valedor do Pobo

Acordo da Mesa do Parlamento, do 7 de outubro de 2024, polo que se ordena a publicación no Boletín Oficial do Parlamento de Galicia da Resolución do 3 de outubro de 2024 pola que se aproba a convocatoria para a adscrición, polo sistema de libre designación, do posto da persoa titular da Vicesecretaría Xeral da institución

A Mesa do Parlamento, na súa sesión do día 7 de outubro de 2024, tomou coñecemento do escrito da valedora do pobo polo que solicita que se proceda á publicación no *Boletín Oficial do Parlamento de Galicia* da Resolución do 3 de outubro de 2024 pola que se aproba a convocatoria para a adscrición, polo sistema de libre designación, do posto da persoa titular da Vicesecretaría Xeral da Institución (doc. núm. 12436) e acordou a publicación da devandita resolución no *Boletín Oficial do Parlamento de Galicia*.

Santiago de Compostela, 8 de outubro de 2024

Xosé Antón Sarmiento Méndez

Letrado oficial maior



Resolución do 3 de outubro de 2024 pola que se aproba a convocatoria para a adscrición, polo sistema de libre designación, do posto da persoa titular da Vicesecretaría Xeral da institución

Vista a proposta formulada polo secretario xeral para a adscrición, polo sistema de libre designación, do posto da persoa titular da Vicesecretaría Xeral da institución,

RESOLVO:

Ao abeiro do establecido no artigo 7 k) do Regulamento de organización e funcionamento do Valedor do Pobo, aprobar a convocatoria para a adscrición, polo sistema de libre designación, do posto de traballo da persoa titular da Vicesecretaría Xeral da institución, conforme as seguintes bases:

Primeira. Apróbase a convocatoria para a adscrición, polo sistema de libre designación, do posto de traballo da persoa titular da Vicesecretaría Xeral da institución, que figura na vixente relación de postos de traballo (posto número 3; BOPG nº 33, do 4 de xuño de 2024).

As características do posto son as seguintes:

- 1) Grupo de titulación: A¹ (A-1²)
- 2) Nivel de complemento de destino: 30.
- 3) Administración: pertenza como persoal funcionario/a de carreira ao grupo A (A1).
- 4) Titulación: licenciatura/grao en dereito.
- 5) Funcións que desenvolverá (art. 20 *bis* do Regulamento de organización e funcionamento do Valedor do Pobo):
 - a) A suplencia das persoas titulares da Secretaría Xeral e/ou da Coordinación Xeral, nos casos de ausencia, enfermidade ou vacante, así como nos casos en que fose declarada a súa abstención ou recusación.
 - b) A programación das necesidades de persoal da institución, a coordinación na elaboración da relación de postos de traballo e a xestión do persoal adscrito á institución.
 - c) A organización e o control do funcionamento dos servizos administrativos do Valedor do Pobo e dos seus órganos adscritos.
 - d) A secretaría da Comisión da Transparencia de Galicia e o impulso dos seus expedientes.

¹ Grupo de clasificación profesional de acordo co artigo 20 do Estatuto de Persoal do Parlamento de Galicia.

² Grupo de clasificación profesional de acordo co artigo 42 da Lei 2/2015, de 29 de abril, do Emprego Público de Galicia.



e) O asesoramento e realización de estudos e informes de carácter técnico-xurídico que lle sexan encomendados pola persoa titular da institución ou da Secretaría Xeral.

f) A xestión da información pública que se atope no portal de transparencia da institución e dos órganos adscritos, o adecuado trámite das solicitudes de información pública dirixidas ao Valedor do Pobo, así como a xestión da información á cidadanía en materia de transparencia.

g) Exercer como vogal e secretario da Autoridade Galega de Protección da Persoa Informante.

h) Calquera outra función que lle atribúa a valedora do pobo ou os plenos dos órganos colexiados adscritos.

6) Centro directivo: Valedor do Pobo.

Segunda. Poderá concorrer á convocatoria o persoal funcionario de carreira de calquera administración pública pertencente ao grupo indicado do posto a que opta.

Terceira. O persoal funcionario interesado poderá presentar a súa solicitude no Rexistro Xeral do Valedor do Pobo, rúa do Hórreo nº 65, Santiago de Compostela, ou en calquera dos lugares indicados na Lei 39/2015, do 1 de outubro, do procedemento administrativo común das administracións públicas, no prazo de quince días hábiles, contados desde o día seguinte ao da publicación desta convocatoria no *Diario Oficial de Galicia*.

Para participar nesta convocatoria, a persoa interesada deberá formalizar a súa petición de acordo co modelo que se inclúe no anexo da presente resolución.

Na solicitude deixarase constancia dos datos do posto que viñese desempeñando e dos méritos que desexa alegar.

As persoas aspirantes deberán achegar coa súa solicitude un *curriculum vitae* no que farán constar os títulos académicos, estudos, cursos realizados, anos de servizo e postos de traballo desempeñados na Administración, e outros méritos que se estime oportuno poñer de manifesto, e farán constar detalladamente as características dos postos que viñesen desempeñando.

Deberán xustificarse documentalmente os méritos alegados; os non probados non se terán en conta.

Cuarta. De conformidade co disposto no artigo 7.I) do Regulamento de organización e funcionamento do Valedor do Pobo, corresponde á valedora do pobo a resolución desta convocatoria.

Quinta. A resolución da convocatoria, coa adxudicación do posto a calquera das persoas funcionarias de carreira solicitantes que reúnan os requisitos exixidos para o seu desempeño, ou coa súa declaración como deserta, por considerar que ningunha das persoas candidatas reúne as características adecuadas para o posto de traballo, ou non reúne a idoneidade necesaria para o seu desempeño, ou por non presentarse ningunha solicitude, farase pública no *Diario Oficial de Galicia*.



Sexta. O prazo de toma de posesión da persoa seleccionada será de tres (3) días hábiles, de estar o destino anterior na mesma localidade; de sete (7) días, se comporta cambio de residencia; ou de vinte días (20), se comporta o reingreso no servizo activo.

O prazo de toma de posesión comezará a contar desde o día seguinte ao do cesamento nese destino, se é o caso, que deberá producirse dentro dos tres días hábiles seguintes ao da publicación no *Diario Oficial de Galicia* da resolución da libre designación.

Se a resolución comporta o reingreso no servizo activo, o prazo de toma de posesión comezará a contar desde o día seguinte á súa publicación.

Sétima. Contra a resolución pola que se aproba esta convocatoria, que esgota a vía administrativa, as persoas interesadas poderán interpoñer, potestativamente, recurso de reposición perante a valedora do pobo no prazo dun mes, contado a partir do día seguinte ao da súa publicación no *Diario Oficial de Galicia*, ou recurso contencioso-administrativo perante a sala correspondente do Tribunal Superior de Xustiza de Galicia no prazo de dous meses, contados desde a mesma data, de acordo co previsto na Lei 29/1998, do 13 de xullo, reguladora da xurisdición contencioso-administrativa.

Santiago de Compostela, 3 de outubro de 2024.

María Dolores Fernández Galiño

Valedora do pobo



ANEXO
Modelo de solicitude

Datos persoais:

<i>Primeiro apelido</i>	<i>Segundo apelido</i>	<i>Nome</i>
<i>DNI</i>	<i>Data de nacemento</i>	<i>Teléfono</i>
<i>Correo electrónico:</i>		<i>Enderezo:</i>
<i>Corpo ou escala:</i>		<i>Grupo:</i>
<i>Destino actual</i>		
<i>Administración</i>	<i>Dependencia</i>	<i>Localidade</i>

SOLICITO: Ser admitido/a á convocatoria pública para prover o posto de traballo, polo sistema de libre designación, aprobada pola Resolución da valedora do pobo do 3 de outubro de 2024, por considerar que reúno os requisitos esixidos para presentarme ao posto de traballo que se indica:

Denominación do posto de traballo	Nivel C.D.	Institución	Localidade
		Valedor do Pobo	Santiago de Compostela

Tempo de servizos prestados	Anos	Meses	Días
No corpo actual:			
Noutros corpos:			
No actual posto de traballo:			
Outros destinos anteriores:			
Títulos académicos:			
Coñecemento da lingua galega:	Fala: <input type="checkbox"/>	Escribe: <input type="checkbox"/>	Entende: <input type="checkbox"/>
Outros méritos que se deban facer constar de acordo coas bases da convocatoria:			
Outros méritos que a persoa candidata desexe facer constar:			

Información básica sobre protección de datos persoais

Responsable do tratamento	Valedor do Pobo
---------------------------	-----------------



Finalidades do tratamento	Provisión de posto de traballo
Lexitimación para o tratamento	Cumprimento de obriga legal segundo a normativa xeral e sectorial referida en https://www.valedordopobo.gal/rexistro-de-actividades-de-tratamento/
Destinatarios dos datos	Os datos deberán ser comunicados ao Valedor do Pobo
Exercicio de dereitos	As persoas interesadas poderán solicitar o acceso rectificación, limitación e supresión dos seus datos en valedor@valedordopobo.gal ou nos lugares e rexistros establecidos na normativa reguladora do procedemento administrativo común
Contacto delegado/a de protección de datos e información adicional	valedor@valedordopobo.gal

(Lugar, data e sinatura)

VALEDORA DO POBO

